



Synfocity = 736

mail us at : mzsynfo@gmail.com; mizoramsynod@gmail.com - Phone - 2314648

June 6, 2019

❑ *Synod Executive Committee Vawi 280-na*

Mizoram Presbyterian Kohhran Synod hnuaiia Committee sang ber, Synod Executive Committee Vawi 280-na, June 4 - 6, 2019 chhung khan J.M. Lloyd Hall, Synod Office-ah an th̄u a, Aizawl khaw chhung aṅging member 45 leh Aizawl khaw pawn aṅging member 96, an vaiin member 141 an kal.

Committee hi Rev. R. Lalhmingthanga, Synod Moderator-in a kaihhruai a, Synod Secretary report leh Finance Officer report ngaihthlak a ni.

Synod Secretary hnen atangin - February 26 - March 1, 2019 chhungin Pro. Pastor Orientation tuang taka neih a nih thu te, kumin February - May thla chhungin Synod Service Board-in thawktu hrang hrang 11 a lak thu te, PCI General Assembly 2018-in a remtih angin Tripura Provisional Synod chu March 24, 2019 khan Synod puitlingah hlankai a nih thu te, Wales leh UK tlawhin Synod Moderator, CKTP hruiatu thenkhat leh Mizoram Synod Choir-te an kal thu leh Mizoram Synod Choir te hi International Choral Festival 2019-ah tel nghal thu te, Synod 2017-in a rel angin 'India ram Kristiante tihduhdahna hluar zel chungchang' booklet-a siam a nih thu te, Mr. Kenneth Ian Juster, U.S. Ambassador to India, Ms. Patti Hoffman, Consul General to India, Kolkata ten Synod Office an rawn tlawh thu te, Mizoram Sawrkar-in Sikulpui leh Sikulsen chu Mizoram Synod kutah a hlan let thu te, SEC 279 leh 280 inkarah Synod Relief fund aṅging harsatna tuar mi hrang hrangte hnenah tanpuina Rs. 27,15,800/- pek a nih thu te ngaihthlak a ni.

Tunṭum SEC a thurel tur chhawpchuah langsar deuh te chu - Kohhran hlutna leh pawimawhna inzirtir chungchang te, Ram pum huap Kohhran Pavalai Pawl Meet Pandal-a thlen rawtna te, Salvation Church leh Mizoram Synod inkungkaih dan tur chungchang te, Guwahati-a Vaiphei Kohhrante enkawl zui dan tur te, South East Asia-a Mission kalpui dan tur te, Vaiphei Kristian Hla Bu edit leh enlarge dilna te, Kaipeng leh Darlong hnam hla bu atan Kristian Hla Bu-a hla awmsa hman dilna leh soft copy dilna te, Mizoram Presbyterian Kohhran din ni (Jan. 11) urhsun taka hman dan tur rawtna te, Vellore Mizoram House-a Staff Nurse dah dan tur leh Mizoram House dangte dinhmun tlangpui zirchian te, BSI-a Minister/Pastor-te thawh dan tihchian te, Tunlai thiamna hmanga Naupai leh fa neih chungchang kaihhruaina te, Synod Partnership Committee dinhmun enṭhata tihchak rawtna te, Birth Control avanga Mizo kan tlem zel chungchang kan pun theih nana hmalak dan tur rawtna te, Synod Encyclopedia tihlen chungchang te, Central Service-a Mizote kan tlin tam theih nana hmalak rawtna te leh thil pawimawh chi hrang hrang te ngaihtuah tura chhawp a ni.

❑ *Pentikos Ni*

June 9, 2019 (Pathianni) hi Pentikos Ni a ni a. Pentikos tih awmzia hi 'Sawmngana' tihna a ni. Thuthlung Hlui-ah chuan Kalhlen Kut tiak ni aṅging ni sawmnganaah an hmang ṭhin. Thuthlung Thar hunah erawh chuan Isua Thawhleleh tuk (Easter) aṅging ni 50-naah hman a ni ta a ni.

Pentikos Ni hian hetiang hian thupui inang tlang zirho a ni ang:

Chawhma Inkhawm	-	Thupui	:	Thlarau Thianghlim - Thiltihtheihna petu
		Chhiar túr	:	Tirh 1 : 4 & 5, 2 : 1 - 4
Chawhnu Inkhawm	-	Thupui	:	Thlarau Thianghlim - Thlamuantu
		Chhiar túr	:	Jn 14 : 15 - 17, 16 : 7 - 11
Zan Inkhawm	-	Thupui	:	Thlarau Thianghlim - Krista Thuhretu
		Chhiar túr	:	Jn 15 : 26 & 27, Tirh 1 : 6 - 8

Zan inkhawmah PCI General Asembly puala ṭawngṭai rualna hun atan hman ṭhin a ni a, zan Inkhawmah thawhlawm hi PCI General Assembly pual tur a ni ang a, thawhlawm lakkhawm te hi Bial Treasurer kaltlangin Synod Office-ah thehluh tur a ni. PCI General Assembly Headquarters, Shillong aṅging ṭawngṭai thupui tur duansa hmangin ṭawngṭai rualna neih a ni ang.

- ❑ **MSSU**
June 8, 2019 (Inrinni) hian Zonuam Bialah Bial pum huap Sunday School zirtirtu training neih a ni dawn a, MSSU trainer-te Upa Hrilthansanga, Mission Vengthlang leh Upa K. Zoremsanga, Kulikawn te an kal ang.

- ❑ **Kohhran Hmeichhia**
June 5, 2019 (Nilaini) khan Central Kohhran Hmeichhe Hruaitute Leadership training neiin hetiang hian an kal.

Republic Veng Bial	Pi Lalrinkimi, Chairman Pi Siampuii
Maubawk Bial	Pi Lalsangluaii, Finance Secretary Pi Lalrotluangi Sailo
Chanmari Bial Bial	Pi K. Lalliantluangi Pi Lalramzauvi
Ramhlun Bial	Pi Lalthanruali Pi Hmangaihzauvi
Lily Veng North Kohhran	Pi Lalngaihzuali, Asst. Secretary Pi Lallungmuani

- ❑ **Trust**
 - ◆ June 4 & 5, 2019 khan Siaha Bookroom sak tur enpuuin Pu Lalramenga Royte, JE a kal.
 - ◆ June 6 & 7, 2019 hian Sakawrdai leh Sesawng-ah Pastor Quarters sak tur enpuuin Pu Lalhriatrenga, JE a kal.
 - ◆ June 7 & 8 hian Pukzing Pastor Quarters sak tur en puuin Rev. Lianhmingthanga Sailo, Senior Executive Secretary leh Upa Thangliankhuma, AE te an kal ang.

- ❑ **KTP**
 - ◆ June 1 & 2, 2019 khan Zokhawthar Bialah Leadership training neihpuuin Central KTP committee member-te T.Upa Lalsiammawia Pachuau leh T.Upa David Lalchhuanawma te an kal.
 - ◆ June 5, 2019 khan Tlungvel Field Veng Branch-ah Golden Jubilee lawmna hmanpuuin Central KTP Asst. Leader, Upa Rosangliana leh Committee member Pu C. Malsawmtluanga te an kal.

- ❑ **Synod Relief Fund**
Tun hnaia harsatna hrang hrang neite hnenah Synod Relief Fund ațangin chhawmdawlina hetiang hian pek an ni.

<i>S.No</i>	<i>Khua</i>	<i>Pek chhan</i>	<i>Chhungkaw zat</i>	<i>Chhawmdawlina pek zat</i>
1.	Kelsih	Damlo	2	Rs. 16,000/-
2.	Andermanik	Damlo	2	Rs. 16,000/-
3.	Lengpui	Kal ța lo	1	Rs. 10,000/-
4.	Tlungvel	Thlipui tuar	1	Rs. 8,000/-
			TOTAL	Rs. 50,000/-

- ❑ **Campus Ministry**
June 4, 2019 (Thawhlejni) khan Apollo School of Nursing-ah hun hman a ni a, hetah hian Tv. Lalhmunzauva Tlau, Counsellor-in 'Pathian chhandamna chungchang' a sawi.

- ❑ **Hruaina Eng FM Radio**
 - ◆ **JUNE 7, 2019 (FM Zoawi Aizawl @ 7:30 p.m.):**
Solo : Mafaki - Kohhran
Thusawi : Rev. R. Lalchangliana - Zoram mamawh harhna
Zaipawl : Aizawl Venglai Kohhran Zaipawl - Lal Isua an lo nei ta
Kohhran Rawngbawlina hrang hrang

- ◆ **JUNE 7, 2019 (FM Zoawi Lunglei @ 7:30 p.m.):**
Solo : Daniela - Fak rawh u
Thusawi : Rev. R. Lalchangliana - Zoram mamawh harhna
Zaipawl : Lunglei Luangmual Kohhran Zaipawl - A chhe lai siam țatu
Kohhran Rawngbawlina hrang hrang

☐ **Hruaina Eng TV Programme**

♦ **JUNE 9, 2019 (Tv Programme) @ 4:00 - 6:00, 8:00 - 9:00 p.m) :**

PES Felicitation Service

Weekly Round Up

Bihchianna : Mizoram Synod Women Hostel

KTP Kumpulan Film 2019

Susamachar Prasaran Programme

♦ **JUNE 9, 2019 (Pathianni) 5:00 pm. :**

Group/Choir/Solo : Hamren Pastorate Choir - Vang thu tha

Group/Choir/Solo : Luangmual Vengthlang - Bondhu re

Sermon : Rev. J.C. Lalramliana - Jisu Jibona Jyoti

Group/Choir/Solo : Jubilee Kohhran - Hijo Aja

Group/Choir/Solo : Aizawl West Area Choir - Bharat Desh Mahan

☐ **Moderator leh Executive Secretary-te Programme:**

Rev. R. Lalhmingthanga : Moderator

June 8, 2019 Zan Chalrang Kohhran Chalrang Bial

June 9, 2019 Chawhma Vangtlang Kohhran Chalrang Bial

June 9, 2019 Chawhnu Riangtlei Kohhran Chalrang Bial

June 9, 2019 Zan Chalrang Kohhran Chalrang Bial

June 11 & 12, 2019 Biak In hawn Kelkang Kohhran

Rev. Lianhmingthanga Sailo : Senior Executive Secretary

June 7 & 8, 2019 Pukzingah Pastor Quarters sak tur enpui

June 13 - 15, 2019 Pastor Quarters enfel - Khawzawl, Zokhawthar, Champhai Zote, Champhai Kanan

Rev. B. Sangthanga : Executive Secretary

June 12, 2019 Hmangaihna In Committee

June 13, 2019 Central Kohhran Hmeichhe Committee.

Rev. K. Lalrinmawia : Executive Secretary

June 8 & 9, 2019 Ramthar Campaign - Hnahlan

June 12, 2019 Synod Higher Secondary School Property Committee

June 13 - 15, 2019 Manipuri Presbyterian Church Working Committee, Churachandpur

June 16, 2019 Kulikawn Vengthlang Kohhran

PCI General Assembly Pual Tawngtai Thupui

1. Presbyterian Church of India (PCI) leh a hnuaiia Synod leh Kohhran hrang hrangten Pathian malsawmna kan dawn zawng zawng avanga lawmthu sawina.
2. PCI hotute (Office Bearers) leh Administrative Secretary - Rev. G.S. Lyttan, Rev. Rolianthanga Lalsim, Rev. Dr. K. Lalrinkima leh an chhungte theuh tan.
3. General Assembly, PCI-in mission rawngbawlnaa thawktu kan chawm Dima Hasau District (Dimasa zingah), Byrwai Marngar, Amjong, Sekmai, Manjing, Mokairam, Moreh-a thawk mekte tan.
4. PCI member, CWM hnuaiia khawvel hmun hrang hranga missionary-a thawk mekte tan.
5. General Assembly hnuaiia Synod hrang hrang, Presbytery, Bial, Kohhran, PWF, PYF leh mimal chawm missionary zawng zawngte tan.
6. Synod hrang hranga hruaituten an hma zawna mawhphurhna awmte fel taka an hlenchhuah vek theih nan.

Students' Helpline : 9856883377



Synod Information & Publicity **Synfo**
Phone - 2314648